



Broj: 08-01-04.23-43/25

Datum: 03.02.2025. godine

Na osnovu člana 58. Zakona o unutrašnjim poslovima Tuzlanskog kantona ("Službene novine Tuzlanskog kantona", broj: 4/10, 5/11, 14/11, 2/12, 8/13, 10/14, 9/15, 13/16, 14/17, 11/18 i 14/18) i člana 8. Uredbe o Odboru za žalbe građana ("Službene novine Tuzlanskog kantona", broj: 10/11, 6/12 i 9/17), Ministarstvo unutrašnjih poslova Tuzlanskog kantona raspisuje:

JAVNI KONKURS

za izbor i imenovanje predsjedavajućeg i članova Odbora za žalbe građana

1. Kandidati iz reda građana, moraju da ispunjavati, sljedeće uslove:

- da je državljanin BiH;
- da ima najmanje VII stepen školske spreme u oblasti pravnih, kriminalističkih, sigurnosnih, ekonomskih ili drugih društvenih nauka;
- da ima najmanje sedam godina radnog iskustva, nakon sticanja visoke školske spreme;
- da nije član političke stranke;
- da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- da u posljednje četiri godine nije bio član izvršnog ili zakonodavnog tijela, na bilo kojem nivou vlasti u BiH;
- da nije proglašen krivim za krivično djelo;
- da se protiv njega ne vodi krivični postupak;
- da mu nije izrečena disciplinska sankcija za teže povrede službene dužnosti.

2. Kandidati iz reda policijskih službenika Uprave policije MUP TK-a, moraju ispunjavati, sljedeće uslove:

- uslove iz tačke 1. alineja a), d), e), f), g), h), i)
- da ima čin višeg inspektora ili viši čin

Odbor za žalbe građana se sastoji od tri člana, od kojih je jedan predsjedavajući.

Jedan član Odbora je policijski službenik koji ima čin višeg inspektora ili viši čin, a dva člana su predstavnici građana. Predstavnici građana neće zasnovati radni odnos u Ministarstvu unutrašnjih poslova.

Sastav Odbora odražava nacionalnu i spolnu zastupljenost.

Najmanje jedan član Odbora mora biti diplomirani pravnik.

Član Odbora koji je zaposlen u Upravi policije, MUP-a TK-a ne može biti predsjedavajući.

Predsjedavajući i članovi Odbora se imenuju se na period od četiri godine.

Nadležnost Odbora je da prima i razmatra sve žalbe izjavljene protiv policijskih službenika Uprave policije Ministarstva unutrašnjih poslova Tuzlanskog kantona, u skladu sa Uredbom.

Odbor za žalbe građana se osniva kao stalno radno tijelo u Ministarstvu i u vršenju zadataka iz svoje nadležnosti je nezavisan i nije u lancu komandovanja Ministarstva.

Predsjedavajući i članovi Odbora imaju pravo na naknadu, u skladu s odlukom Vlade Tuzlanskog kantona.

Kandidati su dužani, uz prijavu, koja sadrži kraću biografiju, priložiti original ili ovjerene foto-kopije dokumentacije:

- a) Uvjerenje o državljanstvu;
- b) Diplomom o završenom fakultetu;
- c) Dokaz o dodijeljenom činu za policijske službenike;
- d) Uvjerenje o radnom iskustvu;
- e) Izjavu da nije član političke stranke,
- f) Izjavu da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- g) Izjavu da u posljednje četiri godine nije bio član izvršnog ili zakonodavnog tijela, na bilo kojem nivou vlasti u BiH;
- h) Uvjerenje o nekažnjavanju,
- i) Uvjerenje o nevođenju krivičnog postupka,
- j) Izjavu da mu nije izrečena disciplinska sankcija za teže povrede službene dužnosti.

Prijave sa potrebnom dokumentacijom o ispunjavanju uslova navedenih u Javnom konkursu, dostaviti na adresu:

Ministarstvo unutrašnjih poslova Tuzlanskog kantona
ulica Turalibegova bb
75000 Tuzla

sa naznakom:

Javni konkurs za izbor i imenovanje predsjedavajućeg i članova
Odbora za žalbe građana
„NE OTVARAJ“

Rok za podnošenje prijave je 14 dana od dana objavljivanja javnog konkursa.

Neotpune i neblagovremene prijave neće se uzimati u razmatranje.

